

«ՍՏԵՓԱՆԱՎԱՆԻ «ՎԱՀԱԳՆ» ՊԱՆՍԻՈՆԱՏ»

բաց բաժնետիրական ընկերություն

ԾԱՆՈՒՑՈՒՄ

Հարգելի բաժնետերեր

«ՍՏԵՓԱՆԱՎԱՆԻ «ՎԱՀԱԳՆ» ՊԱՆՍԻՈՆԱՏ» բաց բաժնետիրական ընկերության տնօրենների խորհուրդն իր 20.08.2013 թ.-ին կայացած նիստում որոշել է գումարել բաժնետերերի արտահերթ ընդհանուր ժողովներ:

Ժողովները գումարվելու են ընկերության գտնվելու վայրում՝ ք. Ստեփանավան, Վահագն պանսիոնատ հասցեում: Առաջին ժողովը կկայանա **2013 թ. հոկտեմբերի 4-ին, ժամը 11:00-ին**:

Բաժնետերերի այդ արտահերթ ընդհանուր ժողովի օրակարգն է՝

1. «ՍՏԵՓԱՆԱՎԱՆԻ «ՎԱՀԱԳՆ» ՊԱՆՍԻՈՆԱՏ» բաց բաժնետիրական ընկերության կողմից տեղաբաշխված բաժնետոմսերի համախմբում:

Բաժնետերերի արտահերթ ընդհանուր ժողովի օրակարգի հարցի որոշումն ընդունվելու դեպքում «ՍՏԵՓԱՆԱՎԱՆԻ «ՎԱՀԱԳՆ» ՊԱՆՍԻՈՆԱՏ» բաց բաժնետիրական ընկերության կողմից տեղաբաշխված բաժնետոմսերի համախմբման, փոխարկման և հետգնման կարգի համաձայն, արտահերթ ընդհանուր ժողովի ավարտից հետո 15-րդ օրը՝ **2013 թ. հոկտեմբերի 19-ին, ժամը 11:00-ին** կկայանա ընկերության բաժնետերերի նոր արտահերթ ընդհանուր ժողով:

Բաժնետերերի այս արտահերթ ընդհանուր ժողովի օրակարգն է՝

1. «ՍՏԵՓԱՆԱՎԱՆԻ «ՎԱՀԱԳՆ» ՊԱՆՍԻՈՆԱՏ» բաց բաժնետիրական ընկերության կողմից տեղաբաշխված բաժնետոմսերի համախմբման արդյունքների հաստատում,
2. «ՍՏԵՓԱՆԱՎԱՆԻ «ՎԱՀԱԳՆ» ՊԱՆՍԻՈՆԱՏ» բաց բաժնետիրական ընկերության կանոնադրության փոփոխության հաստատում:

Բաժնետերերի արտահերթ ընդհանուր ժողովներին մասնակցելու իրավունք ունեցող բաժնետերերի ցուցակի կազմման ամսաթիվը սահմանվել է 2013 թ. օգոստոսի 21-ը:

Բաժնետերերի արտահերթ ընդհանուր ժողովներում քննարկվող հարցերին վերաբերող տեղեկություններին և նյութերին բաժնետերերը կարող են ծանոթանալ 2013 թ. սեպտեմբերի 23-ից, յուրաքանչյուր աշխատանքային օր ժամը 10:00 մինչև 17:00 ք. Ստեփանավան, Վահագն պանսիոնատ հասցեում:

Բաժնետերերին ներկայացվելիք տեղեկությունները և նյութերը ներառում են օրակարգերի հարցերին կողմ քվեարկելու դեպքում ընդունվող որոշումների, ինչպես նաև ընկերության կողմից տեղաբաշխված բաժնետոմսերի համախմբման, փոխարկման և հետգնման կարգի, ընկերության կողմից տեղաբաշխված բաժնետոմսերի համախմբման արդյունքների ու ընկերության կանոնադրության փոփոխության նախագծերը:

Բաժնետերերի արտահերթ ընդհանուր ժողովներին մասնակցողների գրանցումն սկսվում է ժողովներն սկսվելուց 30 րոպե առաջ՝ ժամը 10:30-ին: Անձը հաստատող փաստաթղթի առկայությունը պարտադիր է:

Եթե ընկերության բաժնետերերի 2013 թ. հոկտեմբերի 19-ին կայանալիք արտահերթ ընդհանուր ժողովի օրակարգի երկրորդ հարցի քվեարկության արդյունքում հաստատվի ընկերության կանոնադրության փոփոխությունը, ապա այն բաժնետերերը, ովքեր չեն մասնակցի այդ ժողովին կամ դեմ կքվեարկեն այդ հարցին կամ քվեարկությանը չեն մասնակցի, իրավունք կունենան ընկերության կանոնադրության փոփոխության հաստատման մասին որոշման ընդունման պահից 45 օրվա ընթացքում գրավոր դիմել ընկերությանը՝ պահանջելով իրենց պատկանող բաժնետոմսերի կամ դրանց մի մասի հետգնում: Բաժնետոմսերի հետգնումն իրականացվելու է դրանց շուկայական արժեքով՝ 36,800 (երեսունվեց հազար ութ հարյուր) դրամով: Դիմումի մեջ նշվում են հետգնման ենթակա բաժնետոմսերի քանակը և բաժնետիրոջ բնակության վայրը: Եթե բաժնետերը համաձայն չէ հետգնման գնի հետ, ապա նա իրավունք ունի բաժնետոմսերի վերագնահատման պահանջով դիմել դատարան՝ ընկերության կողմից բաժնետերերին վճարումներ կատարելու սահմանված օրից երեք ամսվա ընթացքում:

Սահմանված 45 օրվա ավարտից հետո ընկերության գլխավոր տնօրենը 30 օրվա ընթացքում կազմակերպում է բաժնետերերի բաժնետոմսերի հետգնումը: Այդ նպատակով ընկերության գլխավոր տնօրենը բաժնետիրոջ ներկայանալուց հետո երկու աշխատանքային օրվա ընթացքում իրականացնում է բաժնետիրոջ վճարումը:

Սահմանված 30 օրվա ավարտից հետո ընկերության գլխավոր տնօրենը 5 օրվա ընթացքում դիմում է ընկերության ռեեստրավարին՝ ընկերության բաժնետերերի ռեեստրում համապատասխան փոփոխություններ կատարելու խնդրանքով:

Խնդրում ենք Ձեզ ներկա լինել բաժնետերերի ընդհանուր ժողովներին:

«ՍՏԵՓԱՆԱՎԱՆԻ «ՎԱՀԱԳՆ» ՊԱՆՍԻՈՆԱՏ» ԲԲԸ տնօրենների խորհուրդ

Հեռ. 010-58-10-94: